



kal.komp.

40087


I

Met. St. Or.

P

Feol 3329.

*Sudowski Wencelai: Theses mundanae
ad mentem J. Joani. Duns. Scoti.*



THESES MVNDANÆ

Ad mentem

F. IOAN. DVNS SCOTI

DOCT. SVBT. conscriptæ & in Con-
uentu Vilnen. PP. BERNARDINORVM ad disputan-
dum propositæ. Mense

Die Hora

BIBLIOTH. UNIV.



JAGELLONICA

Obiectis satisfaciente F. VENCESLAO PVDŁOWSKI
Ord. Min. de Obseruantia sub auspiciis R.
P. F. LEONARDI STARCZEWSKI eius-
dem instituti Philosophiæ Lectoris

Tradidit Mundum Dispvtationi eorVm.
Eccl: 3.

Eruſtabo absCondita à constitutione mundi.
mat: 13.

VILNÆ

Apud Iosephum Karcanum Anno 1613

IN STEMMATA GENTILITIA MA-
GNIFICI DOMINI DOMINI CAPITANEI
EISSISIENSIS &c. &c.



40082

Ibn

Sydera trina stupes? Cruce signatumq; Tridentem,
Post Telumq; biceps, post triplicesq; Strigas?
Disce, scientificum pectus dant Astra, piumq;
Cruce, ast Herculeum Missile, discq; Strigæ.
Næ sacras phaleras, sacris insignibus auctas!
Supparibus meritis, præmia facta vides.

Magnifico & Generoso Domino,

D. DEMETRIO KARP,
CAPITANEO EISSISIENSI

S. R. M. SECRETARIO &c. &c.

Domino & Benefactori colendissimo.

F. VENCESLAVS PVDŹOWSKI Ord. S. Francisci
de Obseruantia felicitatem omnem precatur.


Multi deuenerunt in eam opinionem, Magnifice Domine, qui Regem Macedonem aliquando in lachrymas, non aliam, quàm ob dominandi causam, erupisse clament. sed hæc quàm alienissima ab eo, cui ob res præclare actas & plurimū auctas Magni nomen inditum est, fuerint, facile verus rerum æstimator aduertet. Enimuerò quomodo Magnus appellandus venit, cuius maiestas cum lacrymis, magnitudo cum pusillanimitate, regia dignitas cum puerorū singultibus cohæsisse deprehenduntur? Flere magis ad pueros & effæminatos animos quam ad Reges spectare videtur. Si dignitates & honores ambiuit, at Reges subiugauit; si sceptra & imperium quæsiuit, at regna distribuit; si nouam terrā adamauit, at adhuc inclytus Ephe-

Ephebus

bus, non tantū à Philippo Patre suo didicerat belligerans
do vincere, & vincendo Prouincias numerare: verum eti-
am ab optimo Magistro suo Peripateticorū Principe, quā
angustus esset suus Principatus; totaliter hausit, dum terrā
Firmamento comparatam tanquam punctum esse in quo
bellauit, triumphauit, regnauit, luculenter percepit. Age
ergo, nunquam tantus Princeps rem tam exiguam suis la-
crymis æstimauit! aliud procul dubio amplius, magnificē-
tius, & beatius quod deflerat, adinuenit. Tutius ego di-
xerim, Regeq; ipso dignius; licet plures mundos superes-
se falso didicit, non tamen dominium illorū apetiuisse, sed
consimilia omnium fata indoluiffe. Et si quis totius vniuersi
pulchritudine oblectatum dicat, cum hoc tamen in ani-
mo illo generoso ad spatia illa superna longe ampliora &
feliciora quæ solū sibi deesse videbantur, quantocyus a-
volandi ardens desiderium etiam lacrymarū profluuijs in-
extinguibile, inualuisse non negabit. Profecto, si vnus so-
lis pulchritudo, animum cuiusdam celeberrimi Philoso-
phi in tantū demulset, vt omnes suos obtutus, mentisq; a-
ciem quoad uiueret contemplationi ipsius deuouerit, & si
sibi optio daretur, non annos Nestores ducere, sed intra
sphæram eiusdem, licet instar Phaëtonis aut Capanei, mox
eo viso & cognito, fulmine disceretur, se breui temporis
interuallo manere malle affirmarit, quis iam mirabitur,
Monarcham hunc, modo in acie militem strenuum, modo
in imperando Regem prudentem, modò in inalta rerum
consideratione profundum Philosophum. totius superio-
rioris felicissimæ regionis tantoperè suauis memoria detine-

ri, vt etiam totus in lacrymas resoluatur? Tanti est domicilium illud supernum, tanti sedes beatarum Mentium, vt si cætera, quæ intra ipsas suauitatis, gloriæ, & letitiæ plenissima quæq; inueiuntur; silentio inuoluam, sola eius amplitudo, venustas & celsitudo, & horum omnium mater varietas, animum ab hoc exiguo corporis ergastulo abriperre est sufficiens. Quis enim est, qui cum oculos ad cælos extollit, non eius varietatem & multiformem aspectum admiretur? Nam vsq; eo varium & multiplex cælum est, vt in eo summa cum voluptate siue Deus, siue natura luisse videatur. Sed hæc satius, atq; adeo de totius vniuersi amplitudine & præstantia Theſibus hisce, quasi quibusdam Pandectis committi libuit. Quas vbi primum contexui, statim de singulari Patrono cogitare cæpi. Quod dum facio, Tu Magnifice Domine primus, qui eas clarissimi nominis tui auctoritate, & multiplici virtutum tuarum splendore collustrares, occurristi. Nam quid ego hîc de tui nominis gloria ac virtutum præstantia referam? Quid generis tui nobilitatem? Quid in Patriam amorem? quid in Serenissimū ac potentissimū nostrū Poloniæ Regē, & Dominū clementissimum fidem, cuius nuper clarum testimonium expeditione in Moschouiam suscepta dedisti, per censeam? Ibi verò quantum suæ S. R. M. carus, quantum Militi proficuus, quantum ipsi M. D. Lituaniæ exercituum generali Duci, qui sine te, de Patriæ negotijs arduis nunquam sedit consulturus, per necessarius fuisti, sicut calamo perstringere est perquam operosū, ita non sine maximo laudis tuæ cedere potuit cumulo. Sed hæc alij in te mirentur & prædicent, ego tuam pietatem, & optimum in vniuersum Ordinem nostrum affectum, si prædicauero tantum, nisi etiam

am nostræ gratitudinis aliquod signum addidero, non mul-
tum me in hoc officij genere profecisse iudicabo. Sed quod
illud erit? Equidem nullum beneficiis tuis par inuenio, ni-
si cælestis hæc, vel potius totius vniuersi, cælestibus virtu-
tibus tuis adstipulata consideratio, quam tibi meritò dica-
mus, quæq; animum tuum nunc occupares, & postea sua-
uiter perfruereris, maximo oblectamento, &
qualiquali nostræ in te debitæ obseruan-
tiæ indicio esse possit. Hanc tu pro
tua singulari humanitate, non ex ef-
fectu, sed affectu æstimabis, & Pa-
trocinio, quod rogo, fovebis: fo-
uebis autem, si more tuo
fauebis. Vale.



DE MVNDO ARCHETYPQ.

T H E S I S V N I C A

Domine Deus meus es tu exaltabo te, & confitebor nomini tuo, Isaia
quoniam fecisti mirabilia cogitationes antiquas fideles Amen.

Archetypus mundus in diuina mente æter-
naliter permanens, nihil aliud est quam ipsa ra-
tio sempiterna vna atq; incommutabilis, secun-
dum quam deus mundum hunc visibilem in tē-
pore architectatus est. voluntate illa antiqua
qua ab æterno voluit creatâ definita, definito
tempore consistere, & iuxta consilium voluntas
tis suæ æternum, omnia tēporaliter producere. Ephes:

C O R O L L A R I A.

1. **S**I ex vnitare Archetypi rerum omnium faciendarum exemplaria
scontrinentis, mundi Magni vnitatem aliquis demonstrare volue-
rit, factum ostendet, possibilitatem autem minime: opifex namq; v-
niuersi non tantum mundo comparem habet effectricem potentiam,
sed etiam in infinitum excedentem.
2. An autem deus mundum ab æterno possit producere & disputetur. Problem
3. Quod si negantem alicui partem tenere placuerit, in præiudicium
potentiæ diuinæ infinitæ, nihil dicit cum habere potentiam sine
limite idem sit, quod nihil eorum non posse quæ fieri possunt.
4. Nullum agens cuius voluntas non est sua potentia, potest quidpiam
de nihilo producere. quare Angeli neq; boni neq; mali creatores
esse possunt alicuius rei, vt male sana antiquorum Hereticorum co-
hors impudenter oblatrabat.

DE MVNDO MAGNO.

THESIS PRIMA.

cfis. 1.

Vidit Deus cuncta quæ fecerat & erant valde bona.

MVndus Magnus dicitur vniuersum, seu cōpages ex cælo terraq̃, & ex his naturis quæ intra ea continentur perfectè coagmentata, non perfectione extra genus, sed perfectione in genere.

COROLLARIA.

Monstra & quæcunq̃ errata conducunt ad perfectionem & decorem vniuersi non quidem ad decorem substantialem seu quantum ad esse, sed ad decorē accidentalem, ratione sui oppositi, vel boni eliti, iux. illud Greg. O felix culpa quæ talē meruit habere redemptorē. Mundus & omnia quæ Deus ipse non sunt, opera digitorum Dei sunt, ab eo tanquam à causa efficiente non ab æterno sed in tempore ex nihilo (prout ly ex dicit non tantum ordinem naturæ sed etiam durationis) producta.

Totum vniuersum potuit Deus secundum potentiam absolutam facere melius, tam quoad esse substantiale creaturarum quam quoad esse accidentale, spectando creaturarum ordinem & inter se & ad Deum.

Potuit etiam Deus super omnia benedictus facere mundum ex partibus maioribus mole, vt Cælum amplius, terram latiorē, & totum deniq̃ vniuersum altius. Sicut enim æternitatem Dei non æquat tempus, nec immensitatem locus, sic neq̃ sapientiam sensus, nec potentiam opus.

Antiquiorem quoq̃ mundum potuit facere ille, cuius potentia & operatio nec à materia dependet, nec a forma, ante cuius oculos mille anni tanquam dies hesternæ quæ præterijt.

THE-

T H E S I S · S E C V N D A

QUⁱ extendit Aquilonem super vacuum, & appendit terram su^{am}, Iob. 26.
per nihilum, terminum circumdedit aquis.

Mundum esse vnum & finitum fide credendum est, non propter vnitatem animæ informantis, sed tum propter harmoniam qua omnia ad cōmune bonum totius vniuersitatis consentiunt, tum propter ordinem quem cuncta habent tanquam vnius exercitus milites, & inter se, & erga ducem & Principem deum.

C O R O L L A R I A.

1. **P**lures mundos, pluresq; effectus alios ab ijs qui sunt producti, potuit Deus secundum suam absolutam potentiam creare: multum enim valere illi supererat semper, & virtuti brachii eius antequæ est orbis terrarum, tanquam momentum statere, & tanquam gutta roris antelucana, quæ descendit in terram, quis resistet? Eccl: 8.

2. **O**pinio illa obsoleta Antiquorum dicentium hanc spectabilem vniuersitatem mundi animal quoddam esse ex varijs elementis conglobatum, quod mente & spiritu viuat, quodq; in profundis Oceani nares habeat per quas anhelitus emittat, & hinc Maria inflet & postea reuocet, an falsa, an potius fictitia vocari debeat, non constat.

3. **E**iusem est momenti ille error dicens, Mundum esse animal sine oculis, quia nihil extra, quod cerni possit, relictum est: sine auribus, cum nihil supersit foris quod audiat: sine manibus, quia non capiendum, nec repellendum quidquam sibi restat: sine pedibus & alijs ad progressum statumq; artibus, quia motum circularem habet qui pedibus non eget. Nec membra talia habet, per quæ noua alimentâ suscipere possit, aut decocta demittere, cum non sit aut quo, aut unde talia fierent.

Creatura

4.
5.
6.
Creatura omnis eo ipso quia composita est, & quia aliunde est, & ex nihilo producta, nec est nec potest esse infinita actu secundum essentiam: sicut enim impossibile est esse Deum præter Deum, ita impossibile est ut aliquid præter Deum habeat essentiam infinitam. Orbis cælestes, Sol, Luna, & omnia astra non sunt animata per formam substantialiter sibi intrinsicam, licet habeant intelligentias sibi assistentes quarum opera cursus cælestes absoluntur. Aër, & omnia elementa non sunt plena animabus quarum una alteram generare posset, ut placuit erroneè illis, qui dicebant animas adferri in corpora respirantibus ventis.

THE S I S T E R T I A

le: 8. Didici quod omnia opera, quæ fecit Deus perseverant in perpetuum.

Mundus de facto in perpetuum est duraturus non tamen in eo statu in quo nunc est, post iudicium enim Cæli & omnia elementa secundum qualitates, scilicet subtilitatem, diaphaneitatem, puritatem innouabuntur.

C O R O L L A R I A .

1.
Stante Dei benedicti communi concursu mundus tam quo ad corpora cælestia quæ in crementa decrementaq; suscipere nesciunt, & alterationes auersantur, tam quo ad sublunaria mutationi obnoxia in perpetuum durare posset.

2.
August: Animalia bruta, plantæ, metalla, mixta tam quæ in terra, quam quæ subrus terram & in profundo abyssi post diem iudicii cessabunt: tunc enim figura huius mundi mundanorum ignium conflagratione præteribit, sicut factum est mundanarum aquarum inundatione diluvium.

3.
Quæcunq; Dei creatis beneficio esse habent, sicut ex nihilo creata sunt, & de non esse ad esse prodierunt, ita in merum nihil per Dei potentiam possent redigi, cum non habeant tantam essendi necessitatem, ut à suo esse aliqua vi decidere non possint.

THE

THE SIS Q V A R T A

Germinet terra herbam virentem, & facientem semen & lignum pomiferum. &c.

Gene: 1

Res corporales non immediate ab Angelis bonis aut malis producuntur, sed immediate à corpòralibus item causis, quæ vim productiuam sortitæ sunt ab eo, qui omnibus generationem tribuit, quin nec ipse sterilis manet. Cælorum autem actio tantopere est necessaria vt sine illa rerum generatiò, calorùmq; & frigorùm vicissitudo non possit esse.

Isaia 6

C O R O L L A R I A

1. **C**Aelestes orbes siue quò ad partès luminosas tantum, siue quò ad omnes partes sui, præter lumen & motum habent alias occultas virtutes, quas vulgò influentias nominamus.
2. Hinc in Perside lapidem Selenitem gigni, cuius interior candor cum Luna crescit atq; decrescit apud D. Augustinum in comperto est. Reliqua autem miranda ab eodem conscripta non tam propositum quam Deū in operibus suis mirabilè ostendunt, vt quod Agrigentinus Siciliæ sal si fuerit admotus igni, velut in aqua fluescit si verò aqua, velut in igne crepitat. Fons item Epyri in quo faces, vt in cæteris extinguuntur accensæ, sed non, vt in cæteris, accenduntur extinctæ.
3. Calor celestis cum sit valde temperatus, propter ordinatum cælorum morum ad generationem & cõseruationem rerum sublunarium est accommodatus. Igneus autem calor, si à natura vel ab arte temperabitur eiusdem efficientiæ erit, cuius est celestis. Ecce enim in Aegypto ad Cayrum pulli calore igneo ex ouis excluduntur; ibi namq; furnos construunt ouorumq; multis centurijs in fornicum superiore planitie dispositis, ignem accendunt temperatum & statim

D. Aug.
Ciu: De
21, c.

& statis diebus erumpit turba pullorum. Neque hæc fabula est, sed fabulæ illi ipsi qui negant, inquit Scaliger.

THESIS QUINTA.

Qui dat solem in lumine diei, ordinem Lunæ & stellarum in lumine noctis, Dominus exercituum nomen illi.

Omnia astra tam fixa quàm erratica, præter lumen suum exiguum & tenue, mutuuntur aliud à Sole, qui cum sit fons lucis & cor Planetarum in corona eorum residens, tam superioribus quàm inferioribus astris, lumen accommodat, & tanquam ministris officia stellantis aulæ distribuit.

COROLLARIA.

Lumen non est substantia completa, nec forma substantialis, nec aliquid pertinens ad genus substantiæ corporeæ, vel incorporeæ, sed est accidens de genere Qualitatis 1.
Idem lumen in medio habet esse intentionale quod est ratio tendendi in illud cuius est imago & similitudo, cum hoc tamè habet & esse reale. 2.
Lumen efficit calorem, & quò corpus lucidius est, eo magis calefacit, si non est impedimentum, id est, si illi corpori vel non inest vehemens vis refrigerandi, vel non impediunt aliæ atq; aliæ conjunctiones, per quas cohibeatur, ne tantum caloris imprimat. 3.

THESIS SEXTA

Vade pondera mihi ignis pondus, aut mensura mihi statum venti

Non quodlibet elementum superius maius est inferiori sibi proxime cohærenti, nec proportionem

portionem decuplam, ita vt superius decuplo maius sit inferiori sibi proximo, inter illa seruari censendum est.

C O R O L L A R I A.

1. **I**nter quatuor elementa quæ Deus vniuersi conditor ad omnium rerum effectiorem constituit, ignis cum eminentiori loco excellentioris naturæ gradum obtinuit, quia vltra hoc quod leuitatem motricium qualitatibus nobilissimam sibi vendicat est etiam actuosior & ad res efficiendas vniuersalior, tam in operibus artis quam naturæ, arti enim ita in vsu est vt magister artium nuncupetur. Naturæ vero adeo inferuit vt Zeno crediderit naturam nihil aliud esse nisi ignem artificiosum.

2. Vnumquodq; elementum in suo naturali statu consideratum e quatuor qualitatibus primis vnâ summè intensam aliam in excellenti gradu sibi determinat; vnde ignis est summè calidus, in excellenti siccus, aer in excellenti calidus, summè humidus, Aqua summè frigida, in excellenti humid, terra inexcellenti frigida summè sicca.

3. Omnia elementa sunt sphærica, etiam terra, licet habeat multas concavitates & eminentias, non quidem figuratione Mathematica perfectissima ita vt nulla sit obliquitas in ea, sed figuratione Physica quæ stat cum multis depressionibus & eminentijs.

4.

Ventus non est æremotus, sed est agitata respiratio, vt communiter ex exhalatione calida & sicca tunc proueniens quando halitus sursum ire non permittuntur, & contententes ascendere si non possunt recta transire latera petunt, & sic flatum edunt, nonnunquam adeo horrendum, vt terras & maria concutiant, naues submergant, turres deiciant, ingentes arbores radicibus euellant, setegesq; sternant.

T H E S I S S E P T I M A

Quis est pluuia Pater? vel quis genuit stillas roris?, de cuius vtero egressa est glacies: & gelu de celo quis genuit?

Illorum omnium quæ in Meteorologia enarrantur, remota materia est terra & aqua; proxima verò Euaporatio, quæ in vaporem & exhalationem distinguitur. Porro vapor est fumus tepidus atq; humidus, qui à corporibus humidis eleuatur, similis illi, qui in cacabo aqua calefacta attollitur. Exhalatio itē est fumus seu exspiratio calida & sicca à terra eleuata, ex qua Meteora ignea & àërea propagantur.

C O R O L L A R I A .

Quinque sunt impressiones aquæ ex halitu calido & humido generate, quem ex locis madidis fursum astra calore suo vel in mediam aëris regionem, vel in infimam euocant: suntq; hæc, pluuia, grando, nix, ros, & pruina.

Pluuia in media regione aëris ex nube generatur. Est autem nubes vapor densus & humidus, qui ab aqua vel terra madefacta eductus, & ad secundam regionem aëris delatus, ibiq; ob algorem regionis illius & propter natium frigus, ad quod se reuocauit condensatus, pendet.

Pluuiarum alia est naturalis, quæ fit ordine & modo præscripto à natura, alia supernaturalis, quæ ad terrorem mortalium immititur, vt quando carne, sanguine, lapidibus pluuisse legimus; talis prodigiosa pluuiarum immisio aliquando fit ab Angelis bonis, aliquando à malis, & etiam à veneficis maxime vetulis conductam cum Dæmone habentibus. Sic enim de quadam apud Pœtam legimus.

Hæc se carminibus promittit soluere mentes
Quas velit; Ast alijs duras immittere curas
Sistere aquam fluuijs, & vertere sydera retro
Nocturnosq; ciet manes, mugire videbis
Sub pedibus terrā, & descendere mōtibus ornos

4. Nix generatur ex vapore ad mediam vsq; æris regionem subuecto, in qua propter frigus intensū ante exillationem nubium sit cōcretio, siquidem nubes rara ac sparsa sic frigore crescunt vt prorsus congelentur, & postea ob gravitatem deorsum versus ruant.

5. Grando est pluuiā vel in media vel in infima regione congelata. Ros fit ex vapore subtili astrorum & sōlis virtute ad medium imā regionis æris sublato, qui accessione nocturni frigoris in aquas soluitur. Pruina eodem fit modo, quo ros, nisi quod hic maior frigiditas noctis accedit.

THESIS OCTAVA

Tonabit Deus in voce sua mirabiliter, qui facit magna & inscrutabilia Iob. 3

IN media regione æris & strepitus fragoresq; excitantur, & ignes quidam conspiciuntur qui ex magna exhalationis copia per antiperistasmū, vel per collisionem partium generantur. Quando scilicet frigus huius regionis non permittit vltiorem exhalationi ascensum, sed eam retundit, quæ & strepitum facit, & in fulgura fulminaq; vertitur.

COROLLARIA

1. **F**ulgur est exhalatio calida & sicca ex frequenti agitatione, vel ex vehementi ad nubem collisione succensa; quæ succensio licet posterius fiat quā tonitru, prius tamen nostris se obrutibus offert, eo quod visus anticipet auditum.

Hoc tamen non Vniuersaliter velim intelligas, quia aliquando tonitru
2. auditur & nulla coruscatio cernitur quando s. exhalatio antequā

mam

nam concipit nubem diu quatit & tonitrua facit: aliquando verò fulgetram conspicitur & tonitru non auditur, quando ſ. nubes exhalationi discurrenti non valde reſiſtit, ſed proportionatam tantum concretionem habet ad excitandum ignem in exhalatione.

Fulmen eſt exhalatio ignita intra nubem ex vapore factam bene compacta, & poſtea e nube magno impetu excuſſa, & cum ſit tenax & pinguis, accedit vt aliquando in lapidem coeat cum ſua caliditate atq; agitatione magis atq; magis percoquitur. 3.

Reliquæ Meteoricæ ignitæ impreſſiones quæ & in ſcholis examinantur, & in tribus aëris regionibus viſantur eaſdem cauſas habent, niſi quod eis materiæ aut caloris aut raritatis aut leuitatis plus minusue accedat 4.

DE MVNDO MICRO- COSMO.

THESIS PRIM A.

Faciamus hominem ad imaginem & ſimilitudinem noſtram.

ceſſis. 1.

MVndus paruus vocatur homo, animal illud deiforme manſuetum natura, ſecundum legem rationis diſciplinæ ſuſceptibile, diuinam in ſe & totius vniuerſi repræſentans imaginem, eſt enim in illo mixtum ex elementis corpus, vita ſtirpium, brutorum animalium ſenſus, Angelicæ mentis propter intelligendi vim participatio, ac deniq; quod ſummum eſt impreſſa Diuinitatis effigies.

COROL

C O R O L L A R I A

1. **E**T Homo; & animalia perfecta, quæ ad sui generationem determinatum naturæ processum possunt, non possunt ab aliqua virtute celesti æquæ atq; imperfecta produci, sed egent proprio sibiq; peculiari progenitore. Omnes itaq; sicut in Adam peccauimus, sic ab eo descendimus.
2. Potest tamen virtus aliqua corpus non plenamixtione mixtum formare, elementa actiua & passiua simul conuenienter disponendo & corporibus celestibus in situ conuenienti approximando, vt inducatur forma particularis qualis nata est à talibus agentibus induci.
3. Monstrosa hominum genera, ex quibus quidam vnum oculum in fronte media habere perhibentur, quidā plantas versas post crura quidā staturam cubitalem, quos pigmeos à cubito Græci vocant; quidam singula tantum crura, nec poplitem flectere esseq; mirabilis celeritatis, quos Scipiadas vocant, eo quod per æstum in terra resupini iacentes, umbra se pedum protegant. Quidam sine ceruice oculos habere in humeris dicuntur. quidam ora non habere, sed tantum per nares suscepro & emissio halitu viuere. Alios canina capita, atq; ipse latratus magis bestias quàm homines videtur monstrare. Hæc inquam, Monstrosa genera quæ Gentium narrat historia aut omnino nulla sunt, aut si sunt homines non sunt, aut ex Adam sunt si homines sunt.
4. Qualis autem apud nos de Monstrosis hominum partibus redditur ratio, talis de Monstrosis quibusdam Gentibus reddi potest vnde si aliqua gens talis esset, qualis aliquando apud Hyæponem homo natus est, scilicet quasi lunatas manus & plantas habens & in eis binos tantum digitos. Similiter si talis qualis in Francia adultus fuisse, scilicet habens duo capita, quorum vni decumbere, & alteri infirmum esse, vni bene facere, alteri lasciuire placuit, non propter hoc tamen ab Adam descendisse negaretur.

D. Aug.
Ciu. Dei
15. c.

Caro con
piscit ad
sus spirit
spiritus ad
rhus carne
Scor: in
d. 6. q.

T H E S I S S E C V N D A.

A signis cali nolite metuere quæ timent gentes.

Hierem: 1

In voluntatem humanam astra influere necessa
rio & motione directa non tantum est sal-
sum

sum, sed etiam Hæreticum & Diabolicum
figmentum, Christianæ Religioni, Sensui,
& rectæ rationi repugnans, tollit enim me-
ritum, tollit præmium, tollit gratiam, tol-
lit onsequenter gloriam.

Bonau in
Sent.

C O R O L L A R I A

Indirecta motione dispositiue & contingenter in hominem astra a-
gere possunt, quia dispositio varia corporis multum facit ad va-
riationem affectionum, ut plurimum enim, maxime in hominibus
animaliter viventibus, anima complexionem corporis imitatur. Hinc
cholericis sunt iracundi, sanguinei benigni, Melancholici liuidi, fle-
gmatici pigri: hoc autem non est necessario cum dictum sit, Sub te
erit appetitus tuus, & tu dominaberis illius.

enesis: 4.

Genethliacorum scita & promissa, & Astrologorum aliorum, in his
quæ sunt liberi arbitrii, licet aliquando sint vera, eo quod homi-
nes sæpe sequuntur passionem appetitus sensitivi quæ subiacent astris
tamen non sunt certa & infallibilia, quia sapiens dominabitur astris.
Augures autem cæli sunt quasi stipula.

olom.
aie 4.

Promissa porro illa circa genituras Neronis & octauiani, cum ab
Astrologis iste orbis terrarum Dominus proclamatus, ille vero Im-
perator matrem Agrippinam necaturus prænuntiatus, Cur fuerint
suum sortita effectum? forte ideo, quia ex instinctu spiritus mali-
gni hæc fuerint prædicta, non secus atq; illud quod L. Ponty seruus
Syllæ Consuli vaticinatus est inquit, A Bellona nuncius venio,
victoria tua est Sylæ. Deinde arsurum esse Capitolium adiecit quod
postera die concitator reuersus arsisse clamauit.

ua respō-
r. occidat
odo Impe-
ret

Portentosa militum in sublimi confligentium spectacula, qualia tem-
poribus Machabæorum fuerunt & qualia anno illo, quo Vespas-
ianus Hierosolimas deleuit extiterunt. Apparuerunt enim currus va-
rijs Cæli regionibus vagantes, vitæq; sunt armatæ acies in nubibus
concerantes, talia inquam spectra rationes Physicas non habent,
sed imp-rio permissuq; diuino modò ab Angelis bonis, modò à ma-
lis sunt, eo fine ut calamitates. malæq; ventura Mortalibus nisi resi-
piscant, prænuntient.

Aug: 2. de
iu: D. c. 24

Math: 5.
sep. de bel


Iud:

Au: 2. de

u: Deic.

25.

Deo Trino & vni, ac Deiparæ sēperq; Virgini Ma-
tri sup̄ omnē æternitatem honor & impium.



BIBLIOTE. UNIV.



JAGIELLOŃSKA

XXIV. P. 17



sidr0005395

Biblioteka Jagiellońska

